

INUIT ATAQATIGIIT

Inatsisartuni



UPA 2019/pkt. 47
10. april 2019

Aqqa Samuelsen

2020-mut aningaasanut inatsimmi ukiuni sisamani ukiumut 6 mio. kr-inik immikkut misileraalluni aningaasaliissuteqarnissamik Naalakkersuisut peqquneqarnissaannut Inatsisartuni aalajangiiffigisassatut siunnersuut. Suliniummut aningaasaliissutit 2020mit meeqyanut inuusuttunullu sumiginnakkanut qimarguinnik (isumassuivinnik) pilersitsinermik misiligtutut suliniutinut sukumiisunut qinnuteqarnikkut kommuninut atugassanngortinneqarsinnaanngussapput.

(Inatsisartunut ilaasortaq Peter Olsen, Inuit Ataqatigiit)

Inuit Ataqatigit siunnersuuteqartumut siunnersummullu pingaarutilimmut qujapput.

Siunnersuuteqartup Peter Olsenip tunngavilersuutigisamini ukiuni kingullerni angerlarsimaffipparujussuarni sumi tamaani meeqyanik eqqissiviilliortitsinerit sumiginnaanerillu tusarsaagaluttuinnarnerat, meerartatsinnik sumiginnaaneq angerlarsimaffinnilu eqqissiviilliortitsisarnerit sutigut tamatigut pinaveersimatittariaqarnerat isumaqataaffigivarput.

Angerlarsimaffippasuarni meeqqat eqqissiviilliortitaasarnerat sumiginnaasarnerillu akuersaarnatigit assortuussutiginagu isumaqatigiissutigisinnaavarput.

Meerartavut eqqissiviilliortinneqartarnermikkut sumiginnagaasarnermikkullu inuunerat imaannaanngitsorujussuarmik innarlerneqartarpoq, inuunermilu sinnerani qaangeruminaatsitaminnik nammakkorsorneqartarlutik.

Meeqqat immikkut pisariaqartitsisunut isumassortariaqavissortunullu upalungaarsimanerput ullumikkornit pitsanerusariaqartoq isumaqarpugut, tassami meeqqat ajornartorsiuteqarnerminni saaffissaqarsinnaasariaqarput. Taamaattumik meerartavut pillugit ullumikkornit annertunerusumik pilliuteqartariaqarnerput oqariartutigerusupparput.

Siunnersuuteqartup Peter Olsenip tunngavilersuuteqarnermini meeqyanut suliniutini annermik meeqqat pineqartillugit orniguffiusinnaasussanik ataqatigiissaakkamik aaqqissuussisoqarnissaa isumaqatigaarput. Taamaattumik meerartavut eqqissiviilliortut sumiginnagaasullu

INUIT ATAQATIGIIT

Inatsisartuni



isumassorluarneqarnerulissappat qimarguimmik isumassuiffiusinnaasumik
pilersitsisoqarnissaanik siunertaq tapersorsorparput.

Maluginiarneqarsinnaasutut siunnersuuteqartup Peter Olsenip illoqarfiiit eqqissiviilliorfiunerpaaasut
pineqartut tassaasut Nuuk, Tasiilaq, Sisimiut, Aasiaat Ilulissallu.

Illoqarfinni taaneqartuni ajornartorsiutit piupput ernumanartoqarlutillu. Taamaattumik illoqarfinni
taaneqartuni meeqqat eqqissiviilliorfinneqartartut sumiginnagaasartullu annertusisamik
iliuuseqarfingineqartariaqartut oqariartuutigissavarput.

NAKUUSA-p Ilulissani ataatsimeersuarnerata kingorna naalakkersuinermik suliaqartunut
innersuussutinik tunniussaqarput, tassanilu erseqqissumik piumasarineqartut ilagivaat Meeqqat
unnuami sumiiffissaaruttut orniguffigisinnaasaannik suliniuteqartoqassasoq.

Inuit Ataqatigiit meerartavut eqqissiviilliorfinneqartartut sumiginnarneqartartullu
eqqarsaatigalugit saaffissaqartuarnissaat qimargueqarsinnaanissaallu sulissutigineqartariaqartoq
pilersaarusiorneqartariaqartorlu Inuit Ataqatigiit isumaqarput, meerartavut unnuami
saaffissaqaratik orniguffigisinnaasaannik ikiorserneqartariaqarmata.

Meerartatta atugarisaat pillugit kommunit oqaloqatigineqartarnerisa nukitoraluttuinnarnissaa
pingaaruteqarpoq. Taamaattumik kommunit qanimut tikillugit oqaloqatigineqartariaqartut
isumaqarpugut, siunnersuutip siunertaa pillugu isumasiuinermik siunersiunermillu imaqartumik.

Siunnersuut meerartatta atugarisaannut pitsangorsaaqataasinnaasutut isumaqarfingigatsigu,
Ataatsimiitaliamut susassaqartumut ingerlateqqinnejarnissaa innersuupparput.